

新世纪



新世纪万有文库

杜工部集

(二)

辽宁教育出版社



杜工部集 (三)

(唐)杜甫撰 王学泰校点

新世纪万有文库



【目录】

出版说明

杜工部集记 / 1

卷第一 / 1

卷第二 / 20

卷第三 / 38

卷第四 / 57

卷第五 / 70

卷第六 / 87

卷第七 / 107

卷第八 / 133

卷第九 / 151

卷第十 / 173

卷第十一 / 203

卷第十二 / 229

卷第十三 / 252

卷第十四 / 274

卷第十五 / 294

卷第十六 / 324

卷第十七 / 352

卷第十八 / 368

卷第十九 / 385

卷第二十 / 402

补遗 / 418

毛扆跋 / 424

张元济跋 / 426

再补遗 / 429

校勘记 / 439

卷第十二

前剑南节度参谋宣义郎检校尚书工部员外郎赐绯鱼袋京兆杜甫

近体诗一百三首

奉和严中丞西城晚眺一首

严中丞枉驾见过一首

江畔独步寻花绝句七首

春水生绝句二首

春夜喜雨一首

江头五咏五首

野望一首

官池春雁二首

水槛遣心二首

屏迹二首按：(原为《屏迹三首》)另一首为古诗在第五卷)

寄题杜二锦江野亭一首 严武

奉酬严公寄题野亭之作一首

中丞严公雨中垂寄见忆一绝奉答绝句二首

谢中丞送青城山道士乳酒一瓶一首

严公仲夏枉驾草堂兼携酒饌一首

严公厅宴同咏蜀道画图一首

奉送严公一首

送严侍郎到绵州同登杜使君江楼一首

奉济驿重送严公一首

- 巴西驿亭观江涨呈窦使君一首
城上一首
玩月呈汉中王一首
陪王汉州留杜绵州泛房公西湖一首
舟前小鹅儿一首
得房公池鹅一首
戏作寄上汉中王二首
投简梓州幕府兼简韦十郎官一首
答杨梓州一首
赠韦赞善别一首
送李卿晔一首
绝句一首
九日登梓州城一首
九日奉寄严大夫一首
巴岭答杜二见忆一首 严武作
怀旧一首
所思一首
不见一首
题玄武禅师屋壁一首
闻官军收河南河北一首
涪江泛舟送韦班归京一首
春日梓州登楼二首
遣愤一首
郾城西原送李判官兄武判官弟赴成都府一首
客夜一首
陪王侍御宴通泉东山野亭一首
客亭一首
行次盐亭县聊题奉简严遂州蓬州两使君咨议诸昆季一

首

倚杖一首

泛江送魏十八仓曹还京寄岑中允参范郎中季明一首

送路六侍御入朝一首

泛江送客一首

上牛头寺一首

望牛头寺一首

上兜率寺一首

望兜率寺一首

甘园一首

数陪李梓州泛江有女乐戏为艳曲二首

登牛头山亭子一首

陪李梓州王阆州苏遂州李果州四使君登惠义寺一首

送何侍御归朝一首

江亭送眉州辛别驾升之一首

涪城县香积寺官阁一首

戏题寄上汉中王三首

陪章留后侍御宴南楼一首

台上一首

送王十五判官扶侍还黔中一首

倦夜一首

悲秋一首

对雨一首

警急一首

王命一首

征夫一首

惠义寺园送辛员外一首

又送一首

送元二适江左一首

章梓州水亭一首

章梓州橘亭饯成都窦少尹一首

送陵州路使君赴任一首

薄暮一首

西川三首

薄游一首

杜工部集卷第十二

近体诗一百三首 在成都及绵汉梓州作

奉和严中丞西城晚眺 十韵

汲黯匡君切，廉颇出将频。直词才不世，雄略动一作用如神。政简移风速，诗清立意新。层晋作曾城临暇一云媚景，绝域望余春。旗尾蛟龙会，楼头燕雀驯。地平江动蜀，天阔树浮秦。帝念深分阃，军须远算缁。花罗封蛱蝶，瑞锦送麒麟。辞第输高义，观图忆古人。征南多兴绪，事业闇相亲。

严中丞枉驾见过 严自东川除西川敕令两川都节制

元戎小队出郊坰，问柳寻花到野亭。川合东西瞻使节，地分南北任流一作孤萍。扁舟不独如张翰，白帽应兼似管宁^①。寂寞一作今日江天云雾里，何人道有少微星。

江畔独步寻花七绝句

江上被花恼不彻，无处告诉只颠狂。走觅南邻爱酒伴，经旬出饮独空床。斛斯融吾酒徒。

稠花乱蕊畏^{一作裹}江滨，行步欹危实怕春^②。诗酒尚堪驱使在，未须料理白头人。

江深竹静两三家，多事红花映白花。报答春光知有处，应须美酒送生涯。

东望少城花满烟，百花高楼更可怜。谁能载酒开金盏^{一作锁}，唤取佳人舞绣筵。

黄师塔前江水东，春光懒困倚微风。桃花一簇开无主，可爱深红爱^{一作云映}，晋作与浅红？

黄四娘家花满蹊，千朵万朵压枝低。留连戏蝶时时舞，自在娇莺恰恰啼。东坡云云：齐鲁大臣二人，而史失其名。黄四娘何人，乃托杜诗而不朽也。世间幸不幸类如此。

不是爱花即肯^{一作云欲死}，^{一作：不是看花即索死}，只恐花尽老相催。繁枝容易纷纷落，嫩叶^{一作蕊}商量细细开。

春水生二绝

二月六夜春水生，门前小滩^{一作篙}浑欲平。鸂鶒^{一作鸂鶒}莫漫喜，吾与汝曹俱眼明。

一夜水高二尺强，数日不可更禁当。南市津头有船卖，无钱即买系^{一作篙}傍。

春夜喜雨

好雨知时节，当春乃一云及发生。随风潜入夜，润物细无声。野径云俱黑，江船火独明。晓看红湿处^③，花重锦官城。

江头五咏丁香

丁香体柔弱，乱结枝犹垫。细叶带浮毛，疏花披素艳。深栽小斋后，庶近幽人占。晚堕兰麝中，休怀粉身念。

丽 春

百草竞春华，丽春应最胜。少须晋作顷好颜色，多漫枝条剩。纷纷桃李枝，处处总能移。如何贵此重晋作稀如可贵重，却怕有人知。

梔 子

梔子比众木，人间诚未多。于身色有用，与道气伤和。红取风霜实，青看雨露柯。无情移得汝，贵在映江波。

鹧 鸪

故使笼宽织，须知动损毛。看云莫怅望，失水任呼号。六翮曾经剪，孤飞卒未高。且无鹰隼虑，留滞莫辞劳。

花 鸭

花鸭无泥滓，阶前一云中庭每缓行。羽毛知独立，黑白太分明。不觉群心妒，休牵众眼惊。稻粱霑一作知汝在，作意莫先鸣。

野 望

西山白雪三城戍^④，南浦清江万里桥。海内风尘诸弟隔，天涯涕泪一身遥。唯将迟暮供多病，未有涓埃答圣朝^⑤。跨马出郊时极目，不堪人事日萧条^⑥。

官池春雁二首

自古稻粱多不足，至今鸂鶒乱为群。且休怅望看春水，更恐归飞隔暮云。

青春欲尽急还乡，紫塞宁论尚有霜。翅在云天终不远，力微缯缴绝须防。

水槛遣心二首

去郭轩楹敞，无村眺望赊。澄江平少岸，幽树晚多花。细雨鱼儿出，微风燕子斜。城中十万户，此地两三家。

蜀天常夜雨，江槛已朝晴。叶润林塘密，衣干枕席清。不堪只老病，何得尚晋作向浮名。浅把涓涓酒，深凭送此生。

屏迹二首^⑦

用拙存一云诚吾道，幽居近物情。桑麻深雨露，燕雀半生成。
村鼓时时急，渔舟个个轻。杖藜从白首，心迹喜双清。

晚起家何事，无营地转幽。竹光团一云围野色，舍一作山影
漾江流。失学从儿懒，长贫任妇愁。百年浑得醉，一月不梳头。

寄题杜二锦江野亭 严武

漫向江头把钓竿，懒眠沙草爱风湍。莫倚善题《鸛鵲赋》，何
须不著駿鸞冠。腹中书籍幽时晒，肘后医方静处看。兴发会能
驰骏一云五马，终须晋作当重到使君滩。

奉酬严公寄题野亭之作

拾遗曾奏数行书，懒性从来水竹居。奉引滥骑沙苑马，幽栖
真钓锦江鱼。谢安不倦登临费^⑧，阮籍焉知礼法疏。枉沐一云何
日旌麾出城府^⑨，草茅无一作荒迳欲教锄。

中丞严公雨中垂寄见忆一绝奉答二绝

雨映行宫辱赠诗^⑩，元戎肯赴野人期。一云元戎欲动野人知。
江边老病虽无力，强拟晴天理钓丝。

何日雨晴云出溪，白沙青石先一云洗无泥。只须伐竹开荒
径，拄杖穿花听马嘶一云鸟啼。

谢严中丞送青城山道士乳酒一瓶

山瓶乳酒下青云，气味浓香幸见分。鸣鞭走送怜渔父，洗盏开尝对马军。军州，谓为马军。

严公仲夏枉驾草堂兼携酒饌 得寒字

竹里行厨洗玉盘，花边立马簇金鞍。非关使者徵求急，自识将军礼数宽。百年地辟柴门迥^①，五月江深草阁寒。看弄渔舟移白日，老农何有罄交欢。

严公厅宴同咏蜀道画图 得空字

日临公馆静，画满一列地图雄。剑阁星桥北，松州雪岭东。华夷山不断，吴蜀水相通。兴与烟霞会，清樽幸不空。

奉送严公十韵 入朝

鼎湖瞻望远，象阙宪章新。四海犹多难，中原忆旧臣。与时安反侧，自昔有经纶。感激张天步，从容静塞尘。南图回羽翮，北极捧星辰。漏鼓还思昼，宫莺罢啭春。空留玉帐术，愁杀锦城人。阁道通丹地，江潭隐白苹。此生那老蜀，不死会归秦。公若登台辅，临危莫爱身。

送严侍郎到绵州同登杜使君江楼 得心字

野兴每难尽，江楼延赏心。归朝送使节，落景惜登临。稍稍

烟集渚，微微风动襟。重船依浅濑，轻鸟度层阴。槛峻背幽谷，窗虚交茂林。灯光散远近，月彩静高深^①。城拥朝来客，天横醉后参。穷途衰谢意，苦调短长吟。此会共能几，诸孙贤至今。不劳朱户闭，自待白河沉。

奉济驿重送严公四韵

远送从此别，青山空复情。几时杯重把，昨夜月同行。列郡讴歌惜，三朝出入荣。江村独归处，寂寞养残生。

巴西驿亭观江涨呈窦使君

宿雨南江涨，波涛乱远峰。孤亭凌喷薄，万井逼春容。霄汉愁高鸟，泥沙困老龙。天边同客舍，携我豁心胸。

城上

草满巴西绿，空城白日长。风吹花片片，春动水一云。春送雨茫茫。八骏随天子，群臣从武皇。遥闻出巡守，早晚遍遐荒。

玩月呈汉中王

夜深露气清，江月满江城。浮一作游客转危坐，归舟应独行。关山同一照，乌鹊自多惊。欲得淮王术，风吹晕已生。

陪王汉州留杜绵州泛房公西湖

旧相恩追后，春池赏不稀。阙庭分未到，舟楫有光辉。鼓化

蓴丝熟^⑬，刀鸣鲙缕飞。使君双皂盖，滩浅正相依。

舟前小鹅儿

汉州城西北角官池作

鹅儿黄似酒，对酒爱新鹅。引颈嗔船逼，无行乱眼多。翅开遭宿雨，力小困沧波。客散层城暮，狐狸奈若何。

得房公池鹅

房相西亭鹅一群，眠沙泛浦白于一云如云。凤凰池上应回首，为报笼随王右军。

戏作寄上汉中王二首

王新诞明珠

云里不闻双雁过，掌中贪见一珠新。秋风嫋嫋吹江汉，只在他乡何处人。

谢安舟楫风还起，梁苑池台雪欲飞。杳杳东山携汉妓，泠泠修竹待王归。

投简梓州幕府兼简韦十郎官

幕下郎官安稳无，从来不奉一行书。固知贫病人须弃^⑭，能使韦郎迹也疏？

答杨梓州

闷到房公池水头^⑮，坐逢杨子镇东州。却向青溪不相见，回

船应载阿戎游。

赠韦赞善别

扶病送君发，自怜犹不归。只应尽客泪，复作掩荆扉。江汉故人少，音书从此稀。往还二十载，岁晚寸心违。

送李卿晔

王子思归日，长安已乱兵。沾衣问行在，走马向承明。暮景巴蜀僻，春风江汉清。晋山虽自弃，魏阙尚含情。

绝句

江边踏青罢，回首见旌旗。风起春城暮，高楼鼓角悲。

九日登梓州城

伊昔黄花酒，如今白发翁。追欢筋力异，望远岁时同。弟妹悲歌里，朝廷醉眼中。兵戈与关塞，此日意无穷。

九日奉寄严大夫

九日应愁思，经时冒险艰。不眠持汉节，何路出巴山。小驿香醪嫩，重岩细菊斑。遥知簇鞍马，回首白云间。

巴岭答杜二见忆 严武

卧向巴山落月时，两乡千里梦相思。可但步兵偏爱酒，也知光禄最能诗。江头赤叶枫愁客，篱外黄花菊对谁。骏马望君非一度，冷猿秋雁不胜悲。

怀 旧

地下苏司业，情亲独有君。那因丧一作衰乱后，便有一云更作死生分。老罢知明镜，悲来望白云。自从失词伯，不复更论文。公前名预，缘避御讳改为源明。

所思 得台州郑司户虔消息。

郑老身仍窜，台州信所一云始传。为农山洞曲，卧病海云边。世已疏儒素，人犹乞酒钱。徒劳望牛斗，无计断龙泉。

不见 近无李白消息

不见李生久，佯狂真可哀。世人皆欲杀^⑧，吾意独怜才。敏捷诗千首，飘零酒一杯。匡山读书处，头白好一云始归来。

题玄武禅师屋壁

何年顾虎头，满壁一云座画瀛州。赤日石林气，青天江海一作水流。锡飞常近鹤，杯渡不惊鸥。似得庐山路，真随惠远游。

闻官军收河南河北 一云收两河

剑外忽传收蓟北，初闻涕泪满衣裳。却看妻子愁何在，漫卷诗书喜欲狂。白日放歌须纵酒，青春作伴好还乡。即从巴峡穿巫峡，便下襄阳向洛阳。余田园在东京。

涪江泛舟送韦班归京 得山字

追钱同舟日，伤春一作心一水间。飘零为客久，衰老羡君还。花远一作杂重重树，云轻处处山。天涯故人少，更益鬓毛斑^①。

春日梓州登楼二首

行路难如此，登楼望欲迷。身无却少壮，迹有但旧作但有羁栖。江水流城郭，春风入鼓鞀。双双新燕子，依旧已衔泥。天畔登楼眼，随春一作风入故园。战场今始定，移晋作移柳更一云岂能存。厌蜀交游冷，思吴胜事繁。应须理舟楫，长啸下荆门。

遣 愤

闻道花门将，论功未尽归。自从收帝里，谁复总戎一云兵机一云军麾。蜂虿终怀毒，雷霆可震威。莫令鞭血地，再湿汉臣衣。

鄆城西原送李判官兄武判官弟赴成都府

凭高送所亲，久坐惜芳辰。远水非无浪，他山自有春。野花随处发，官一云妖柳著行新。天际伤愁别，离筵何太频。